

## Inatsisissatut siunnersuummut oqaaseqaatit

### **Oqaaseqaatit nalinginnaasut**

#### 1. Inatsisissatut siunnersuutip tunuliaqutaa

Aalisakkat inuiaqatigiit kalaallit pinngortitami pisuussutaasa ilagaat, inuiaqatigiinnullu nalilerujusuullutik. Taamaammat raajarniarneq inuussutissarsiutaavoq Kalaallit Nunaata avammut niuernerani pingaarnepaaq, 2012-imilu avammut tunisat tamarmiusut nalingisa 51,3 %-eralugu.

Inuiaqatigiit pinngortitami pisuussutaasa aningaasatigut tunngavigissaarnerpaamik, inuiaqatigiillu ataatsimut isigalugit iluaqutaasumik atorneqarnissaat Naalakkersuisut pingaartilluinnarpaat.

Raajarniutit tunisassiorfiutigisut naatsorsuutaat kingulliit tunngavigalugit naatsorsuinerit takutippaat ukiuni kingullerni sinneqartoorutaasarsimasut amerlangaatsiartorsuusut – tassa aningaasaliissutigineqarsimasut 22,3 procentimik iluanaaruteqartitsisimallutik – aalisakkanit pisuussutit nalingisa ukiuni kingullerni qaffasissuusimanerat tamatuma takutippaa.

Inuiaqatigiit pisuussutaannik uumassuilinnik tamattalu aalisagaatitsinnik atuinerup iluanaarutaanerata inuiaqatigiinnit pissarsissutaanerunissaanik qulakkeerinninnissaq inatsisissatut siunnersuutip tunngavigerpiarpaa. Akitsuutit naatsorsorneqartarnerinut killiliussap kiilumut 11,70 kr.-iniit kiilumut 9,60 kr.-inut appartinneratigut pisuussutinit iluanaarutit amerlanerusut Landskarsimut nakkartassapput.

Uumassuilerisut maanna siunnersuinerat tunngavigalugu naatsorsuutigineqarpoq ukiuni aggersuni pisassiissutissat amerlinaviangitsut, tamannalu tunngavigalugu ilimagineqarsinnaavoq raajat tunineranni akii maanna qaffasingaatsiartut allanngutsaaliorneqarsinnaassasut. Naatsorsuisarnermik allannguinnissap siunnersuutigineqartup, raajat akii allanngungaangippata kingunerissavaa aningaasaliissutigineqarsimasut iluanaarutitassaattut naatsorsuutigisat 21,0 procentimut appariarnissaat. Taamaammat raajarniutit tunisassiorfiutigisut pisuussutinik atuinermut akiliummik qaffasinnerusumik akiliisarnissartik nammassinnaassagaat nalilerneqarpoq, tassa suliffeqarfiit aningaasaleeqqissinnaanissaannut sunniuteqangaangitsumik.

Allanguutip ukiumut 16 mio. kr.-inik isertitsissutaanerusarnissaa naatsorsuutigineqarpoq.

#### 2. Siunnersuutip imarisai pingaarnertit

Inatsisissatut siunnersuut taamaallat kisitsisitigut allannguutininik imaqarpoq.

### 3. Pisortanut aningaasatigut allaffissornikkullu sunniutissai

Allaffissornikkut sunniuteqarnaviangilaq. Aningaasatigut 16 mio. kr.-inik isertitsissutaanerinissaa naatsorsuutaavoq. Akitsuutip procentia 2014-imi 12-ip missaaniissappat raajanut akitsuutitigut isertitassat tamarmiusut 91 mio. kr.-it missinginut naatsorsorneqarput.

Raajanut akitsuutit aningaasartuutitut allatuulli umiarsuaatileqatigiiffiit aningaasarsiaannit akileraaruteqaataasussanit ilanngaatigineqarsinnaapput, taamaammallu umiarsuaatileqatigiiffiit akileraarutissaannut millisaataassallutik. Taamaammat raajanut akitsuutinut aningaasartuutit 16 mio. kr.-inik qaffanneqaraluartut tamanna pisortat karsiisa, akileraarutit ilanngaatigeerlugit 9,5 mio. kr.-it missinginik isertitsinerunissaannik kinguneqassaaq.

### 4. Inuussutissarsiutinik ingerlataqartunut aningaasatigut allaffissornikkullu sunniutissai

Umiarsuaatileqatigiiffiit sinneqartoorutaat tamarmiusut raajanut akitsuutinut aningaasartuuteqarnerulernerup kingunerisaanik ikilisussaammata tamanna avataasiorlutik raajarnianut aningaasatigut sunniuteqassaaq. Akitsuutit amerlissutissaat 16 mio. kr.-it missinginut naatsorsorneqarput.

Kilisaatini sulisuusut agguagarsisarlutik akissarsiaqarunik, akitsuutillu sulisut taakku akissarsiassaannik naatsorsuinermi ilanngaatigineqassappata tamanna taakkutaaq malugissavaat.

### 5. Avatangiisinut, pinngortitamut inuillu peqqissusiannut sunniutissai

Avatangiisinut pinngortitamullu sunniuteqarnaviangilaq.

### 6. Innuttaasunut sunniutissai

Siunnersuutip innuttaasunut allaffissornikkut sunniuteqarnissaa naatsorsuutigineqangilaq.

### 7. Sunniutissai pingaarutillit allat

Inatsisissatut siunnersuut Naalagaaffeqatiigiinnermut sunniuteqassangatinneqangilaq.

### 8. Oqartussaasunik soqutigisaqaqatigiinnillu il.il. tusarniaaneq

KANUKOKA, Kalaallit Nunaanni Sulisitsisut Peqatigiiffiat (GA), Nunaqavissut Suliffiutillit Kattuffiat (NUSUKA), Sulinermik Inuussutissarsiuteqartut Kattuffiat (SIK), KPMG Grønland, Deloitte, Grønlands Revisionskontor, Inussutissarsiornermut, Aatsitassaqaarnermut Suli-soqarnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Ineqarnermut, Pinngortitamut Avatangiisinullu Naalakkersuisoqarfik.


Tusarniaanermi piffissaliussap naanerani akissuteqartuupput Ineqarnermut, Pinnngortitamut Avatangiisinullu Naalakkersuisoqarfik, SIK, Kalaallit Nunaanni Sulisitsisut Peqatigiiffiat (GA) aamma Aalisarnermut, Piniarnermut Nunalerinermullu Naalakkersuisoqarfik.

Tusarniaanermi akissutigineqartut pingaarnersaat makkuninnga oqaaseqaateqarfigineqarput:

Raajanut akitsuutip maannakkut qaffanneqarnissaa GA-mit ernummatigineqarpoq. Tassani pissutaatinneqarpoq raajanut akitsuutip maannakkut angissusia, aalisarnerup ukiuni ajornartorsiornerpaaffigisaani 1989/1990-imi akitsuutigineqartutuut angissuseqalersimammat.

*Akitsuut raajarniutit tunisassiorfiutigisut imminut akilersinnaasumik ingerlanerannik misissueqqissaarnermik tunngaveqarpoq, misissuinerullu takutippaa raajarniarneq ajornartorsiorfiusutut ilimanaateqanngitsoq. Uumassusilerisut siunnersuutaat tunngavigalugit naatsorsuutigineqarpoq ukiuni aggersuni pisassiissutissat allannguuteqangaarnaviannngitsut, tamannalu tunngavigalugu ilimagineqarsinnaavoq tunisinermi akit maanna qaffasingaatsiartut allanngutsaaliorneqarsinnaassasut.*

*Raajanik qalipaajarneqanngitsunik nunanut allanut tunisinermi akigitinneqartut ukiuni 2001-imiit 2012-imut ineriartorsimanerat ataani diagrammimi takuneqarsinnaavoq:*



GA-p oqaatigaa siunnersuut aamma Naalakkersuisut aalisarneq pillugu politikkiat, Naalakkersuisut ”suliffissaaleqisut ikilisikkiartortinneqarnissaannik inuussutissarsiornermilu aningaasaliissuteqartarnerup erseqqissunik maleruagassaqartinneqarnissaannik” anginiagaannut naapertuutinnngitsut, GA-mi isumaqarpoq siunnersuut nutaamik aningaasaliissuteqarnissanut kajumissaarutaanaviannngitsoq.

*Akitsuut raajarniarnerup imminut akilersinnaasumik ingerlaneramik misissueqqissaarnermik tunngaveqarpoq, tassa uumassusillit aalisakkanillu isumalluutit atornerqarnerisigut inuiaqatigiit annertunerusumik pissarsinissaannik kissaateqarneq pissutigalugu. Aalisarnermut politikki aaqqissuussiffiqeqqinneqassappat tamanna siunnerfeqarnerusumik ajornartorsiutinillu saqqummiussuilluni pissaaq.*

Misissueqqissaaqqaarani pilersitsiniarnerit nalunaarutigineqartut inuussutissarsiummut ajoqutaasinnaanerat GA-p isumakulunnartoqartippaa. Taamaammatt aaqqissuusseqqinnissat pisariaqartut aallartinneqarnissaasa Naalakkersuisut suleqatigalugit peqataaffiginissat GA-p kissaatigaa.

*Aalisarnermut politikkimik aaqqissuusseqqittoqassappat tamanna0 sukumiisumik misissueqqissaaqqaartoqartinnagu aallartinneqarnaviannigilaq. Sulinissami tassani GA-p peqataatinissaa Naalakkersuisut ammaffigaa.*

Pisuussutit pissarsiffiqeqqarneqarnissat pillugu tunngaviummik isummat GA-p paasilluarsinnaavai, isumaqarlunili tamanna taamungaannaq maleruagassiuunneqartariaqangitsoq. Aalisarnermik inuussutissarsiuteqarnerup iluani akileraarusiisarnerit siunissami qanoq ittuunissat ilisimaneeqanngippat tamatuma inuussutissarsiortut akornanni akaareqatigiinnginnermik pilersitsinnaanera GA-p tikkuarpaa.

*Naalakkersuisut qulaani oqaaseqaataat innersuussutigineqarpoq.*

GA-p naggasiilluni oqaatigaa pissarsiassatut naatsorsukkat siunnersuummut oqaaseqaatini allasimasut qanoq pinngorsimanagerat qularnartoq? Tassunga tunngatillugu GA oqarpoq aalisarnermik inuussutissarsiordermi aningaasaliissutinit iluanaarutit qaffasippallaarneragaanagerat pillugu siunnersuummi tunngavilersuut, aatsitassarsiordermi aningaasaliissutinit iluanaarutit eqqarsaatigissagaanni paasiuminaatsuusoq.

*Aningaasaliissutinit iluanaarutit pillugit paasissutissat raajarniutit tunisassiorfiutigisut 2011-mi naatsorsuutaat tunngavigalugit pinngorput. Iluanaarutit naatsorsorneqarput akileraarutinit akiliinnginnermi aningaasartuutit ilanngaatigereerlugit ingerlatsinnermi angusat nalikilli-liissutinit ilariarlugit, aningaasaliissutinit pisiap nalinganik agguarnerisigut.*

Ineqarnermut, Pinngortitamut Avatangiisinullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik aamma SIK siunnersuummut oqaaseqaatissaqanngillat.

**Aalajangersakkanut ataasiakkaanut oqaaseqaatit**

## *§ 1-mut*

### *Nr. 1-mut*

Tunisinermi akit § 4-mi aalajangersarneqartut kisimik allanngortinneqarput, taamaalillutik akitsuutitigut isertinneqartussat raajat kiilut kiilumut akiiniit 9,60 kr.-iniit naatsorsorneqartas-sallutik. Tamatuma kingunerisaanik aallaavissaq taamatulli allanngortinneqarpoq.

Taamaalilluni akitsuutit annerpaaffissaat 45 procentiusoq tunisinermi agguaqatigiissillugu aki 54,60 kr.-inngoraangat aalaakkaasunngortinneqartassaaq.

### *Nr. 2-mut 3-mullu*

Aallaavissaq tunisinermi akinik allanguinerup kingunerisaanik aamma aaqqinneqarpoq.

## *§ 2-mut*

Inatsisartut inatsisaata 1. januar 2014-imi atortuulernissaa siunnersuutaavoq.